

სს „საქართველოს სახელმწიფო ელექტროსისტემისათვის“ სერვერის და მეხსიერების მოდულების ელექტრონული ტენდერის საშუალებით შესყიდვის მიზნით მუდმივმოქმედი სატენდერო კომისიის სხდომის

ოქმი №2

თარიღი 03.06.2016

სხდომას ესწრებოდნენ:

1. კომისიის თავმჯდომარის მოვალეობის შემსრულებელი - გიორგი შარკოვი
2. კომისიის წევრი - დავით გოლოშვილი
3. კომისიის წევრი - ლევან ხუხუნაიშვილი
4. კომისიის წევრი - ლაშა შენგელია

აპარატის წევრები:

1. გიორგი თათილაშვილი
2. ლევან ნაჭყებია
3. მანანა ამალაშვილი

კონსულტანტი:

1. გიორგი პერანიძე

დღის წესრიგი:

SCADA-ს და საინფორმაციო ტექნოლოგიების დეპარტამენტის უფროსის მოაგდილის ს. ჯაშის 2016 წლის 27 მაისის #12436 სამსახურებრივი ბარათის განხილვა სატენდერო დოკუმენტაციაში ცვლილების შეტანის თაობაზე.

განხილვა:

1. SCADA-ს და საინფორმაციო ტექნოლოგიების დეპარტამენტის უფროსის მოაგდილე ს. ჯაში #12436 სამსახურებრივი ბარათით (ოქმს თან ერთვის – 1გვ.) ითხოვს სერვერის და მეხსიერების მოდულების შესყიდვაზე 2016 წლის 23 მაისს სახელმწიფო შესყიდვების ერთიან ელექტრონულ სისტემაში გამოცხადებული ელექტრონული ტენდერის #SPA160014967 ტექნიკურ პირობაში ცვლილების შეტანას, კერძოდ HDD-ს ფორმ ფაქტორი პატარა (2.5in) უნდა ჩაასწორდეს - HDD-ს ფორმ ფაქტორი დიდი (3.5 in)-ით.

2. სატენდერო კომისიამ განიხილა SCADA-ს და საინფორმაციო ტექნოლოგიების დეპარტამენტის უფროსის მოაგდილის ს. ჯაშის სამსახურებრივი ბარათი სერვერის და მეხსიერების მოდულების შესყიდვაზე მიმდინარე ტენდერში (№SPA160014967) სატენდერო დოკუმენტაციაში ცვლილების შეტანის თაობაზე.

3. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ დებულების მე-9 მუხლის მე-2 პუნქტის თანახმად, ასევე ამავე დებულების მე-2 მუხლის პირველი პუნქტის „კ“ ქვეპუნქტით გათვალისწინებულ ეტაპზე, სატენდერო დოკუმენტაციაში ცვლილების შეტანა შესაძლებელია სისტემაში ატვირთული დოკუმენტაციის გაუქმებით და შეცვლილი დოკუმენტაციის სისტემაში ატვირთვის გზით – მხოლოდ „ტენდერი გამოცხადებულია“ – სტატუსის მინიჭებისას, რომელიც მოიცავს სატენდერო განცხადების სისტემაში განთავსებიდან სატენდერო წინადადებების მიღების დაწყებამდე ტენდერის მიმდინარეობის ეტაპს. იმის გათვალისწინებით, რომ ტენდერი გამოცხადდა 23.05.2016. და სატენდერო წინადადებების მიღება იწყება 08.06.2016, სატენდერო

კომისიამ იმსჯელა და დასაშვებად მიიჩნია მიმდინარე ტენდერში სატენდერო დოკუმენტაციაში შესაბამისი ცვლილების შეტანა.“

სატენდერო კომისიამ დაადგინა:

1. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ დებულების მე-9 მუხლის მე-2 პუნქტის საფუძველზე დაევალოს სატენდერო კომისიის აპარატს მიმდინარე ელექტრონულ ტენდერში (№SPA160014967) მოახდინოს სატენდერო დოკუმენტაციის კორექტირება #12436 სამსახურებრივი ბარათით განსაზღვრული პირობების გათვალისწინებით.

2. დაევალოს სატენდერო კომისიის აპარატს უზრუნველყოს კორექტირებული სატენდერო დოკუმენტაციის დაუყოვნებლივ ატვირთვა კერძოდ: გაუქმდეს უკვე არსებული სახელმწიფო შესყიდვების ელექტრონულ სისტემაში განთავსებული სატენდერო დოკუმენტაცია და განხორციელდეს სს „საქართველოს სახელმწიფო ელექტროსისტემის“-თვის სერვერის და მესხიერების მოდულების შესყიდვაზე კორექტირებული სატენდერო დოკუმენტაციის (ქართულ ენაზე) ატვირთვა შემდეგი რედაქციით:



სატენდერო დოკუმენტაცია

სარჩევი

1. საკვალიფიკაციო მოთხოვნები:.....	4
2. საქონლის მიწოდების ვადა და ადგილი	5
3. საქონლის ტექნიკური პირობა და მოთხოვნა	5
4. პრეტენდენტის მიერ სისტემაში ასატვირთი მონაცემები	6
5. სატენდერო დოკუმენტაციის შესახებ დამატებითი ინფორმაცია:.....	6
6 საკონტაქტო ინფორმაცია.....	6
7 სახელმწიფო შესყიდვის შესახებ ხელშეკრულების პროექტი #----	7
8 დანართი #1 ფასთა ცხრილი	11

სს „საქართველოს სახელმწიფო ელექტროსისტემისათვის“ სერვერის და მესხიერების მოდულების შესყიდვა ელექტრონული ტენდერის საშუალებით

1. საკვალიფიკაციო მოთხოვნები:

1.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 კერძო სამართლის იურიდიული პირისა და ინდ. მეწარმეებისთვის:

ა) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

ბ) ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.1.2 საჯარო სამართლის იურიდიული პირისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.1.3 ფიზიკური პირებისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.2. პრეტენდენტის მიერ (გარდა არარეზიდენტი პრეტენდენტისა) სატენდერო დოკუმენტაციის 1.1 ქვეპუნქტით განსაზღვრული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს ელექტრონულ ტენდერში წინადადებების მიღების ეტაპის დაწყების შემდეგ.

არარეზიდენტი პრეტენდენტის შემთხვევაში, მან უნდა წარმოადგინოს თავისი ქვეყნის შესაბამისი უფლებამოსილი ორგანოების მიერ გაცემული, 1.1 პუნქტის შესატყვისი საკვალიფიკაციო მონაცემების დამადასტურებელი დოკუმენტები, ქართულ ენაზე ნოტარიულად დამოწმებულ თარგმანთან ერთად. ამასთან, ასეთ შემთხვევაში, საკვალიფიკაციო დოკუმენტები გაცემული უნდა იყოს ელექტრონულ ტენდერში წინადადების მიღების ეტაპის დაწყებამდე არაუგვიანეს 30 დღისა.

1.3. ამ პუნქტის 1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილი უნდა იქნეს „შემსყიდველი“ ორგანიზაციის მიერ მოთხოვნილ ვადაში, რომელიც არ უნდა აღემატებოდეს 5 (ხუთი) სამუშაო დღეს.

1.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების (ასლების) წარმოდგენა „შემსყიდველ“ ორგანიზაციაში ხორციელდება სისტემის მეშვეობით. „შემსყიდველ“ ორგანიზაციას უფლება აქვს მოსთხოვოს „პრეტენდენტს“ საკვალიფიკაციო მონაცემების დამადასტურებელი დოკუმენტების წარმოდგენა საქართველოს კანონმდებლობით დადგენილი ფორმით ხელშეკრულების ხელმოწერის მომენტისთვის.

შენიშვნა: პრეტენდენტს არ უნდა გააჩნდეს ქონებაზე საჯარო-სამართლებრივი შეზღუდვა

2. საქონლის მიწოდების ვადა და ადგილი

2.1 საქონლის მიწოდების ვადაა: ხელშეკრულების გაფორმებიდან არაუმეტეს 45 კალენდარული დღე

2.2 საქონლის მიწოდების ადგილი: თბილისი, ბარათაშვილის ქ. #2, სსე-ის სათაო ოფისი.

3. საქონლის ტექნიკური პირობა და მოთხოვნა

3.1 საქონლის ტექნიკური პირობა

ცხრილი #1

#	დასახელება	მოთხოვნილი ტექნიკური მახასიათებლები	პრეტენდენტის მიერ შემოთავაზებული ზუსტი ტექნიკური მახასიათებლები
1	სერვერი		
	რაოდენობა	1 ცალი	
	პროცესორი	2x Intel® Xeon® Processor E5-2680 v3 (30M Cache, 2.50 GHz)	
	ჩიფსეტი	Intel C610 Series Chipset	
	მუხსიერება	8x 16GB 2Rx4 PC4-2133P-R Kit	
	მუხსიერების ბუდე	24 (12 DIMM სლოტი პროცესორზე)	
	RAM მაქსიმალური რაოდ.	1.5TB საერთო მუხსიერება - 24x 64GB	
	ქსელის კონტროლერი	4 x 1GbE Embedded	
	მენეჯმენტი	Dedicated iLO connector	
	დისკური სივრცის კონტროლერი	Embedded B140i Sata Controller	
	დისკური სივრცე	Dual 8GB microSD EM USB Kit	
	HDD-ს ფორმ ფაქტორი	დიდი (3.5in)	
	კვების ბლოკი	2x 800W Platinum Hot Plug კვების ბლოკი	
	სტანდარტების მხარდაჭერა	ACPI 2.0b Compliant ,PCIe 3.0 Compliant , PXE მხარდაჭერა , WOL Support,Microsoft® Logo certifications , USB 3.0 მხარდაჭერა , USB 2.0 მხარდაჭერა	
	ფორმ ფაქტორი	სერვერულ კარადაში ჩასადგმელი (Rack Mountable) - 2U	
	კარადაში ჩასამონტაჟებელი რელსები	2U LFF Easy Install Rail Kit	
	მდგომარეობა	ახალი, ექსპლუატაციაში არ მყოფი	
	გარანტია	არანაკლებ 3 წელი	
2	მუხსიერების მოდული სერვერისთვის HP DL380e G8		
	რაოდენობა	4 ცალი	
	მუხსიერება	8GB 1Rx4 PC3L-12800R-11 Kit	
	თავსებადობა	HP DL380e G8 სერვერთან	
	მდგომარეობა	ახალი, ექსპლუატაციაში არ მყოფი	
	გარანტია	არანაკლებ 3 წელი	

3.2 მოთხოვნა

3.2.1 შემოთავაზებული საქონელი უნდა იყოს საინფორმაციო ტექნოლოგიების სფეროში საერთაშორისოდ აღიარებული მწარმოებლის მიერ დამზადებული ორიგინალი პროდუქტი;

3.2.2 შემოთავაზებულ ბრენდს საქართველოში უნდა ჰქონდეს მინიმუმ ორი ავტორიზებული სერვის ცენტრი;

3.2.3 პრეტენდენტ კომპანიას ადგილზე უნდა ყავდეს მინიმუმ ორი სერტიფიცირებული სპეციალისტი;

3.2.4 პრეტენდენტმა უნდა წარმოადგინოს მწარმოებლის ავტორიზაციის ფორმა (ე.წ. MAF - Manufacturer Authorization Form);

3.2.5 ფასწარმოქმნის ადეკვატურობის დასაბუთების ვალდებულება;

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სახელმწიფო შესყიდვების ერთიანი ელექტრონული სისტემის მეშვეობით დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ ვადაში (სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-12 პუნქტის შესაბამისად), პრეტენდენტი ვალდებული იქნება დაასაბუთოს ფასწარმოქმნის ადეკვატურობა შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშგაქტურით ან/და ინვოისით ან/და სასაქონლო ზედნადებით ან/და საბაჟო დეკლარაციით, რომელიც ადასტურებს პრეტენდენტის მიერ ელექტრონული ვაჭრობის შედეგად დაფიქსირებულ საბოლოო ფასად ტენდერით გათვალისწინებული საქონლის სრულად მოწოდების შესაძლებლობას. რომლის გაფორმების ან გაცემის თარიღი უნდა იყოს არაუმეტეს 6 თვისა დოკუმენტაციის წარმოდგენის დღიდან. თუ ზემოაღნიშნული დოკუმენტი წარმოდგენილ იქნა უცხო ენაზე მას თან უნდა ახლდეს ნოტარიულად დამოწმებული თარგმანი ქართულ ენაზე.

4 პრეტენდენტის მიერ სისტემაში ასატვირთი მონაცემები

- 4.1 შევსებული ფასების ცხრილის ფორმა (დანართი №1)
- 4.2 მოსაწოდებელი საქონლის დაწვრილებითი ტექნიკური სპეციფიკაცია.
- პრეტენდენტმა უნდა წარმოადგინოს სატენდერო დოკუმენტაციის მე-3 მუხლის 3.1 პუნქტში მოცემული შევსებული ცხრილი #1.
- 4.3 ინფორმაცია ავტორიზებული სერვის ცენტრების შესახებ;
- 4.4 ინფორმაცია სერტიფიცირებული სპეციალისტების შესახებ და მათი სერტიფიკატების ასლები;
- 4.5 მწარმოებლის ავტორიზაციის ფორმა (ე.წ. MAF - Manufacturer Authorization Form);
- 4.6 ინფორმაცია საქონლის საგარანტიო ვადის შესახებ;
- 4.7 ინფორმაცია საქონლის მოწოდების ვადის შესახებ.
- 4.8 არის თუ არა პრეტენდენტი დღგ-ს გადამხდელი.
- 4.9 ინფორმაცია (მოთხოვნა) ავანსის საჭიროების შესახებ (არაუმეტეს 30%-ისა). იმ შემთხვევაში თ1 წელიწადში პრეტენდენტის მიერ არ იქნება ატვირთული ინფორმაცია ავანსის მოთხოვნის შესახებ ჩაითვლება, რომ პრეტენდენტი არ ითხოვს ავანსს და საავანსო თანხა არ იქნება გათვალისწინებული ხელშეკრულებაში.
- 4.10 პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.

5 სატენდერო დოკუმენტაციის შესახებ დამატებითი ინფორმაცია:

- 5.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.
- 5.2 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული წესის მე-6 მუხლის შესაბამისად..
- 5.3 ყველა სავალდებულო დოკუმენტაცია წარმოდგენილი უნდა იყოს ქართულ ენაზე. უცხო ენაზე წარმოდგენილ ყველა დოკუმენტს თან უნდა ერთვოდეს ნოტარიულად დამოწმებული თარგმანი ქართულ ენაზე.
- 5.4 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 5.5 ალტერნატიული სატენდერო წინადადება არ დაიშვება.
- 5.6 ანგარიშსწორება განხორციელდება უნაღდო ანგარიშსწორებით ლარში.
- 5.7 ანგარიშსწორება განხორციელდება მიღება-ჩაბარების აქტის გაფორმებიდან 10 კალენდარული დღის განმავლობაში.

6 საკონტაქტო ინფორმაცია

საკონტაქტო პირები შესყიდვების სამსახურის შესყიდვების აგენტი გიორგი თათილაშვილი მობ: 577779999, ელ. ფოსტა: giorgi.tatilashvili@gse.com.ge შესყიდვების უფროსი სპეციალისტი ლევან ნაჭყეაბიძე მობ: 577240273 levan.nachkebia@gse.com.ge

7 სახელმწიფო შესყიდვის შესახებ ხელშეკრულების პროექტი №-----

ქ. თბილისი

2016 წ. -----

I. მხარეები

1.1 წინამდებარე ხელშეკრულება დადებულია 2016 წლის -----, ერთის მხრივ სს „საქართველოს სახელმწიფო ელექტროსისტემას“, წარმოდგენილი ----- სახით (შემდგომში – „შემსყიდველი“) და მეორეს მხრივ ----- (შემდგომში – „მიმწოდებელი“) შორის, წარმოდგენილი ----- სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი (48800000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის ღირებულება შეადგენს ----- (-----) ლარს დღგ-ს ----- შემდგომში – „ხელშეკრულების ღირებულება“.

3.2 ანგარიშსწორება განხორციელდება სრულად მოწოდებულ საქონელზე მიღება-ჩაბარების აქტის გაფორმებიდან და ----- წარმოდგენიდან 10 (ათი) კალენდარული დღის განმავლობაში.

3.3. იმ შემთხვევაში თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ „მიმწოდებელს“ უხდის საავანსო თანხას (არაუმეტეს ხელშეკრულების ღირებულების 30%-ისა), „მიმწოდებლის“ მხრიდან შესაბამისი ოდენობის საბანკო გარანტიის წარმოდგენის შემთხვევაში, საბანკო გარანტიის წარმოდგენიდან 5 (ხუთი) სამუშაო დღის განმავლობაში (საბანკო გარანტია წარმოდგენილი უნდა იყოს საქართველოში ლიცენზირებული ბანკიდან). საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 დღით მეტი ვადით. ავანსად გაცემული თანხა ჩაითვლება საბოლოო ანგარიშსწორებისას.

3.4 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ ვალდებულია:

4.1.1 გადასცეს „შემსყიდველს“ ნივთობრივად და უფლებრივად ნაკლისაგან თავისუფალი საქონელი (ახალი, ექსპლუატაციაში არ მყოფი) ხელშეკრულების გაფორმებიდან ----- (-----) დღის განმავლობაში „შემსყიდველის“ შემდეგ მისამართზე: -----

4.1.2 განახორციელოს საქონლის მოწოდება წინამდებარე ხელშეკრულების დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

4.2. „შემსყიდველი“ ვალდებულია:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ საქონლის მიღების ან ექსპლუატაციის დროს შემჩნეული ნაკლის შესახებ.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. „მიმწოდებლის“ მიერ მოწოდებული საქონლის საგარანტიო ვადა არის მიღება ჩაბარების აქტის გაფორმებიდან ----- (-) თვე .

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოასწოროს ხარვეზი „შემსყიდველის“ წერილობითი შეტყობინების მიღებიდან – (-) სამუშაო დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან – (-) სამუშაო დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიწოდებელს“ გადასახდელად დაერიცხება აგრეთვე იმ შემთხვევაში, თუ მიწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიწოდებელზე“ დარიცხული პირგასამტეხლოს თანხა „მიწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიწოდებლის“ მიერ ნაკისრი ვალდებულებების შესრულებაზე.

7.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“

7.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს შემსყიდველის მხრიდან მიმწოდებლის მიმართ ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. შესყიდვის ობიექტის მიღება-ჩაბარების წესი

13.1 საქონლის მოწოდებისას „შემსყიდველის“ მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებულ საქონელზე „შემსყიდველსა“ და „მიმწოდებელს“ შორის.

13.2 საქონლის მიღების დროს აღმოჩენილი ხარვეზების (წუნდების) შემთხვევაში „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ სათანადო ხარვეზების შესახებ (წუნდების არსი).

13.3. „მიმწოდებელი“ ვალდებულია ხარვეზების (წუნდების) აღმოჩენის შემთხვევაში „შემსყიდველის“ წერილობითი შეტყობინებიდან — () კალენდარული დღის განმავლობაში თავისი ხარჯებით გამოასწოროს ხარვეზი, თუ ეს შეუძლებელია, „მიმწოდებელმა“ „შემსყიდველის“ წერილობითი შეტყობინებიდან — () კალენდარული დღის განმავლობაში უნდა შეცვალოს საქონელი .

13.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1 ხელშეკრულების მოქმედების ვადა ამოწურულად ჩაითვლება მხარეებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს 201_ წლის — _____ ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის მე-1 პუნქტის ჟ) ქვეპუნქტის შესაბამისად.

XVI მხარეთა რეკვიზიტები

„შემსყიდველი“:

„მიმწოდებელი“:

დანართი #1

ფასების ცხრილი

დანართი #2

ტექნიკური პირობა

8 ფასთა ცხრილი

პრეტენდენტის მიერ უნდა შეივსოს ქვემოთ მოცემული ფასთა ცხრილის ფორმა ტექნიკური დავალებაში მითითებული პირობების გათვალისწინებით. ფასები წარმოდგენილი უნდა იყოს ლარში დღგ-ს გარეშე.

პრეტენდენტის დასახელება _____

#	დასახელება	წარმოშოს ქვეყანა	მწარმოებელი კომპანია	რაოდ	ერთეულის ფასი (ლარი)	სულ ფასი (ლარი)
1	2	3	4	5	6	7
1	სერვერი (მიუთითეთ ზუსტი დასახელება/მოდელი)			1		
2	მეხსიერების მოდული (მიუთითეთ ზუსტი დასახელება/მოდელი)			4		
	მთლიანი ღირებულება დღგ-ს გარეშე					

შენიშვნა: საქონლის ღირებულება უნდა ითვალისწინებდეს ყველა ხარჯს, მათ შორის შემსყიდველის მისამართამდე ტრანსპორტირების ხარჯს.

პრეტენდენტის ხელმოწერა -----
ბ.ა.

გიორგი შარკოვი -----
კომისიის თავმჯდომარის მოვალეობის შემსრულებელი

დავით გოლოშვილი -----
კომისიის წევრი

ლევან ხუბუნაიშვილი -----
კომისიის წევრი

ლაშა შენგელია -----
კომისიის წევრი

გიორგი პერანიძე -----
კონსულტანტი

ლევან ნაჭყებია -----
აპარატის წევრი

მამანა ამალაშვილი -----
აპარატის წევრი

გიორგი თათილაშვილი -----
აპარატის წევრი (კომისიის მდივანი)

ს.ს. "საქართველოს სახელმწიფო ელექტროსისტემა"

სამსახურებრივი ბარათი

27/05/2016

N 12436

ვის: მმართველთა საბჭოს წევრს ბატონ გ. შარკოვს

ვისგან: SCADA-ს და საინფორმაციო ტექნოლოგიების დეპარტამენტის უფროსის მოადგილე

ს.ჯაში

საგანი: SPA160014967 ტექნიკური მახასიათებლების ცვლილების შესახებ


ბატონო გიორგი,

როგორც მოგეხსენებათ 18.04.2016 წლის მოხსენებითი ბარათი N9011-ის საფუძველზე მოვითხოვეთ 2016 წლის ბიუჯეტის N1234 პოზიციით გათვალისწინებული საქონლის შესყიდვა.

გთხოვთ, შეიტანოთ ცვლილება გამოცხადებულ ელექტრონულ ტენდერში (SPA160014967) შეიტანოთ ცვლილება კერძოდ: ვინაიდან კარადაში ჩასამონტაჟებელი რელსები 2U LFF Easy Install Rail Kit და HDD-ს ფორმ ფაქტორი პატარა (2.5in) შეუსაბამოა, საჭიროებს ტექნიკურ მახასიათებელში ცვლილების შეტანას: HDD-ს ფორმ ფაქტორი პატარა (2.5in) უნდა ჩაასწორდეს - HDD-ს ფორმ ფაქტორი დიდი (3.5 in)-ით.

სამსახურებრივ ბარათს თან ერთვის კორექტირებული ტექნიკური მახასიათებლების ჩამონათვალი.

პატივისცემით,
სულხან ჯაში



დეპარტამენტის უფროსის მოადგილე

SCADA-ს და საინფორმაციო ტექნოლოგიების დეპარტამენტი